

Аяғоз

жапалықтары

ГАЗЕТ 1930 ЖЫЛДЫҢ
4 ҚАЗАНЫНАН БАСТАП
ШЫҒА БАСТАДЫ



№ 43 (10990)

8 қараша 2025 жыл

E-mail: ayagoz.zhanalyktary@mail.ru

ТҮЙЕ МОЙНЫН ТҰЗ КЕСЕР

Түйе мойнын тұз кесер,
Жігіт мойнын қыз кесер,
Сартылдаған сары аяз,
Жылқының мойнын мұз кесер.
Бұлан да бұлан, бұлан сан,
Бұланның санын оқ тесер,
Бұлаңдап жүрген жігіттің
Жомарт қолын жоқ кесер!

ЖАҒАМА ҚОЛДЫҢ ТИГЕНІН

Жағама қолдың тигенін,
Жалғыздық, сенен көремін.
Жамаулы киім кигенім,
Жарлылық, сенен көремін.
Атадан тудым жалқы боп,
Жақыннан көрдім талқы көп,
Жасым жетпей он беске,
Қорғайтын жан адам жоқ,
Кәрі ақсайды ақылдан,
Ер ақсайды жақыннан,
Қазір әлсіз болсам да,
Үмітім бар ақырдан.
Жасым жетіп он беске,
Кіреп ме екем кеңеске,
Бұғана қатып, бел бекіп
Ерегескен дұшпанмен
Шығар күн туса күреске!
Дұшпаннан көрген қорлығым
Сары су болды жүрекке.
Он жетіде құрсанып,
Қылыш ілдім білекке.
Жауға қарай аттандым,
Жеткіз деп, Құдай, тілекке!
Салпаң да салпаң жортармын,
Сары азбанға қосымды артармын.
Торлаусыз өскен құланмын,
Мезгілсіз жусап өрермін.
Байраққа біткен құрақпын,
Саусағым жерге түсірмен.
Жапанға біткен терекпің,
Еңсемнен жел соқса да теңселмен.
Қарағайға қарсы кеткен бұтақпын,

АҚТАМБЕРДІ ЖЫРАУ

(1675-1768)

350 ЖЫЛ



Балталасаң да айрылман.
Сыртым құрыш, жүзім болат,
Тасқа да салсаң, майрылман!

КҮЛДІР ДЕ КҮЛДІР КІСІНЕТІП

Күлдір де күлдір кісінетіп,
Күренді мінер ме екенбіз,
Күдеріден бау тағып,
Ақ кіреуке киер ме екенбіз!
Жағасы алтын, жеңі жез,
Шығыршығы торғай көз
Сауыт киер ме екенбіз!
Ор қояндай жүгінтіп,
Аш күзендей бүгілтіп,
Жолбарыстай шұбарды
Таңдап мінер ме екенбіз!

Сол шұбарға мінген соң,
Қоңыраулы найза қолға алып,
Қоңыр салқын төске алып,
Қол төңкерер ме екенбіз.
Жалаулы найза жанға алып,
Жау қашырар ма екенбіз!
Тобыршықты өңдіген
Толтыра тартар ма екенбіз!
Тобылғы түбі құралай,
Бытыратып атар ма екенбіз!
Жарлауға біткен жапырақ –
Жамылсақ тоңар ма екенбіз.
Жазыққа біткен бүлдірген –
Сұғынсақ тояр ма екенбіз!

Жалғасы 2-бетте

ӘДІЛДІКТІҢ АҚ ТУЫН ЖЕЛЫРЕТКЕН

МАҚТАНМАҚ

Жапалақ құс мақтанса,
«Жардан тышқан алдым» дер.
Жаман адам мақтанса,
«Жақсыны аяғынан шалдым» дер.
«Аузы-басын қан қылмай,
Қалыда не қып қалдым» дер.
Кеудесін қағып еліріп,
«Әкеден боқтап салдым» дер.
Тәрбиесіз тексізге,
Ұят пен арды кім берер.
Ағайынға қадірсіз,
Арсыздықпен күн көрер.
Әркімге бір соқтығып,

Берекені елден кетізер.
Өзінше елге мақтанып,
Қайдағыны мадақтап,
Үлгіні содан алдым дер.

Сыпайымен сырлассаң,
Іштегі сырын ашады.
Сұмпайымен сырлассаң
Жоқты-барды шағады.
Көргенсіз өскен алкеуде,
Төрден орын алады.
Сыпайы өскен абзал жан,
Босағада қалады.

Ақтайлақ би Байғараұлы 1720-1816 жылдар аралығында өмір сүрген. Найман ішінде Сыбан руының Жанкөбек тармағынан. Түп аталары нар дауысты Нарынбай, Қу дауысты Құттыбай, әулие Байғара ұлы даланың тағылымы зор, танымал тұлғалары болған. Ұлағатты ұядан нар алған би атамыз орамды тіл, ордалы ойларымен, кесімді шешім айтып қалың халықтың алғысын арқалаған ардақты жан. Ол түрлі жиындарда кез келген адаммен сөз қағыстырға қалған жағдайда бір ауыз мақалмен немесе толғау жырымен ел тоқтататын қабілетке ие болыпты. Жасөскін шағынан топты орталарда тоқтамды сөздерімен, кесімді шешімдерімен дараланған дана баба шамамен 1720 жылы қазіргі Абай облысының Абай ауданы Құндызды өңірінде туып, жүзге қараған шағында дүниеден өткен. Кесенесі Абай облысы Аягөз ауданы Сарыарқа ауылының аумағында.

Тыңдағанға ой салып, ақылға ақыл қосатын Ақтайлақ бидің биыл 305 жылдығы. Газеттің алдағы санында ардақты баба туралы тағы да оқитын боласыздар.

Жалғасы 2-бетте



305 ЖЫЛ

АЯГӨЗДЕ ЖАҢА МЕКТЕП ЖАРҚЫН ЖАҢАЛЫҚ

Білім – ақыл мен парасаттың белгісі болған асыл қазына. Білімді болу алдымызда тұрған үлкен белестеріміз бен мақсаттарымыздың биік шыңы болып саналады. Білім нәрімен сусындаған адамзат рухани тұрғыда көптеген жетістіктерге қол жеткізеді әрі өзіне жаңашылдық ашуға қабілетті болады. Өркениет көшінде алдыңғы топтан көріну үшін бәсекеге қабілетті болу үшін, білімді ұлт болу басты бағдар. Ағымдағы жылдың тамыз айындағы деректерге сүйенсек елімізде соңғы жыл-

дары салынған 1200 мектептің 217-сі – «Келешек мектептері» ретінде тіркелген. Оның 105-інің құрылысы аяқталған, ал қалған 112 мектеп 2025 жылдың соңына дейін пайдалануға беріледі. Осыншама мектептердің салынуы – соңғы 30 жылда болмаған серпін, бұл қалаларда ғана емес, ауылдық жерлерде де салынды. Сондықтан, бұл – тарихи рекорд. «Келешек мектептеріне» қабылдау – ата-ананың қалауымен жүзеге асып, кез-келген оқушы өз үйіне жақын орналасқан мектепке құжаттарын тапсырып, білім ала алады, яғни барлық бала үшін қолжетімді. Ел таңдауына ие болып отырған «Келешек мектептері» басқа оқу орындарынан ерекше білім ордасы.

Міне осындай керемет тағылымды білім ордасы Аягөзде ашылды. Өңіріміздегі алғашқы «Келешек» мектебі өз есігін айқара ашып, ел игілігіне берілді. Заманауи үлгіде салынған бұл білім ордасының ашылу салтанатына Абай облысының әкімі Берік Уәлиұлы мен Қазақстан Рес-

публикасы Оқу-ағарту министрі Жұлдыз Досбергнқызы арнайы қатысып, ұстаздар мен оқушыларды қуанышты сәтпен құттықтады. Бұл тарихи сәт.

Жаңа мектеп – келешек ұрпақтың сапалы білім алуына бағытталған маңызды қадам. Мұнда оқу үдерісіне барлық жағдай жасалып, кең, жарық сыныптар, заманауи зертханалар, интерактивті тақталар мен цифрлық кабинеттер орнатылды.

Сонымен қатар, спорт зал мен кітапхана, шығармашылық үйірмелер қарастырылған.

Бұл – ұстаздар мен оқушылар үшін үлкен мәртебе әрі жаңа мүмкіндік. Енді Аягөз қаласының балалары заман талабына сай білім алып, өз қабілеттерін толық аша алады.

Аталмыш білім ордасының салынуы мен пайлануға берілуі жолында еңбек сіңірген ел азаматтарына мың алғыс. Зәулім ғимарат, тағылым орталығының алғашқы кірпіші қаланғаннан құрлыс жұмыстарының соңғы нүктесі қойылғанға дейін жанын салып жұмыс атқарған, ерінбей еңбек еткен мекемелер мен мамандар ба-



рі-бәріне Алланың нұры жаусын.

Қазақстан Республикасы Парламенті Мәжілісінің депутаты, экономикалық реформа және өңірлік даму комитетінің төрағасы Сабильянов Нұртай Салихұлы өзінің әлеуметтік желісінде мынадай жазба қалдырып, жерлестеріне құттықтауын жолдады.

«Абай облысының Аягөз қаласында 2024 жылы құрылысы басталған 600 орындық мектеп ашылды.

Білім ордасы Президенттің тапсырмасына сәйкес қабылданған «Келешек мектептер» («Жайлы мектеп») ұлттық жобасы аясында салынды.

Жалғасы 6-бетте



ҚАЗАҚ КҮРЕСІ ӘЛЕМ КУБОГІ

2025 жылдың 30-31 қазан аралығында, қазақ күресінен ересектер арасында Түркістан қаласында Қажымұқан Мұңайтпасов атындағы Әлем кубогы өтті.

Осы Әлем кубогында Аягөз спорт мектебінің түлегі Қайратұлы Сұлтанбейбарыс 82 келі салмақ дәрежесінде III орын алды. Алғашқы жаттықтырушысы Бейсекин Манат Қанғатұлы.



АЗИЯ ЧЕМПИОНАТЫ

2025 жылдың 27-29 қазан аралығында, Түркістан қаласында қазақ күресінен ересектер арасында Азия чемпионаты өтті.

Осы чемпионатта Аягөз спорт мектебінің түлегі Тұрсынғазиев Нұрғали 66 келі салмақ дәрежесінде жеңімпаз атанды. Алғашқы жаттықтырушысы Шуақбаев Еркін Рамазанұлы.



ОБЛЫСТЫҚ ТУРНИР

2025 жылдың 24-27 қазан аралығында, Шар қаласында Қазақ күресінен 2013-2014 ж.т. жасөспірімдер арасында «Қазақ күресінен ардагерлер арасында ҚР чемпионы, Самбо күресінен әлем чемпионы, Жарма ауданының құрметті азаматы Қали Иманбаевты» еске алуға арналған облыстық турнир өтті. Қатысқан командалар: Семей, Шар, Аягөз қалалары, Жарма, Ақсуат, Алтай, Көкпекті аудандары. Аягөз спорт мектебінен қатысқан оқушылар төмендегі нәтижеге қол жеткізді.

35 келі салмақта II-орын Қойкелді Ерасыл (жаттықтырушысы Е.Шуақбаев)

III-орын Сарқыт Бақытжан (жаттықтырушысы А.Ағамов)

III-орын Әбілбек Мирас (жаттықтырушысы М.Жанатаев)

38 келі салмақта III-орын Асетұлы Арсен (жаттықтырушысы М.Мұхамедиев)

II-орын Бейсенбек Ерқанат (жаттықтырушысы Д.Нүсіп)

42 келі салмақта III-орын Бекен Мирас (жаттықтырушысы М.Мұхамедиев)

III-орын Тәңірберген Дамир (жаттықтырушысы М.Бейсекин)

46 келі салмақта III-орын Аманжол Дулат (жаттықтырушысы Ш.Досаев)

50 келі салмақта I-орын Марат Абылай (жаттықтырушысы М.Мұхамедиев)

III-орын Ильяс Ислам (жаттықтырушысы Ш.Досаев)

55 келі салмақта III-орын Рысбек Олжас (жаттықтырушысы Ш.Досаев)

60 келі салмақта III-орын Ағыдай Нұрым (жаттықт. Ш.Досаев)



БИМУСИНА

МЕЙРАМХАН БИЗАҚҚЫЗЫНЫҢ

өмірден өткеніне 40 күн

Құрметті ағайын-туыс, аға-бауырлар, құда-жекежат, көршілер, әріптестер, достар, жалпы бізді танытын, біздің өулетті сыйлайтын барға жамағат Сіздерді асыл анамыздың 40 күндік асына шақырамыз. Ас 15 қараша күні, сағат 12-00 де Сарыарқа ауылында "Данияр" мейрамханасында беріледі.

Ас берушілер, балалары, Бимусиндер өулеті.

ХАБАРЛАНДЫРУ

«COPPERMAN MINING» ЖШС ҚР Экологиялық кодексінің талаптарына сәйкес ашық жиналыс түрінде қоғамдық тыңдаулар өткізілетіні туралы хабарлайды.

1. «COPPERMAN MINING» ЖШС тарапынан әзірленген «Аягөз ауданы, Абай облысындағы (Майқапшыған кен орны) учаскелерінде тәжірибелік-өнеркәсіптік мыс пен алтын өндіру мақсатында жүргізілетін барлау және тау-кен қазу жұмыстары жоспарына» қатысты ықтимал әсерлер туралы есеп. Қамтылған блоктар: М-44-121-(10г-5г-11), М-44-121-(10г-5г-12), М-44-121-(10г-5г-13), М-44-121-(10г-5г-18), М-44-121-(10г-5г-22), М-44-121-(10г-5г-23), М-44-121-(10г-5г-24), М-44-121-(10г-5г-25), М-44-121-(10д-5в-21), М-44-121-(10д-5в-22), М-44-121-(10д-5в-23), М-44-121-(10д-5в-24), М-44-121-(10д-5в-25).

2. Қазақстан Республикасы, Абай облысы, Аягөз ауданы.

Жұмыс жүргізілетін учаскенің жалпы ауданы – 36,7 км². Координаттар:

1. 48°22'59" с.е., 78°5'00" ш.б.;
2. 48°23'00" с.е., 78°8'00" ш.б.;
3. 48°20'60" с.е., 78°15'00" ш.б.;
4. 48°19'60" с.е., 78°14'60" ш.б.;
5. 48°19'60" с.е., 78°6'00" ш.б.;

3. Қоғамдық тыңдаулар өткізілетін орны мен уақыты:

Қоғамдық тыңдаулар 2025 жылғы 23 желтоқсанда сағат 10:00-де келесі мекенжайда өтеді: Қазақстан Республикасы, Абай облысы, Аягөз ауданы, Малгелдин ауылдық округі, Қорық ауылы, «Абай облысы Аягөз ауданы Малгелдин ауылдық округі әкімінің аппараты», Байгөтан би көшесі, 13 үй.

4. Көзделіп отырған қызметтің бастамашысы: «COPPERMAN MINING» ЖШС. Мекенжайы: Қазақстан Республикасы, Алматы қаласы, Медеу ауданы, Әл-Фараби көшесі, 38-үй. БСН: 231040040800, Тел.: 8-705-663-15-86. E-mail: albina1698@mail.ru.

5. Жобалық құжаттаманың әзірлеушісі: «MININGWELL SOLUTIONS» ЖШС: 010000, Қазақстан Республикасы, Астана қ., «Байқоңыр» ауданы, Ш. Иманбаев көшесі, 2-үй, тел: +7 701 531 0511, e-mail: tulegen.zhakupov@gmail.com.

6. Жобалық құжаттамамен <https://hearings.ndbecology.gov.kz/> бірыңғай экологиялық порталында, сондай-ақ Абай облысы табиғи ресурстар және табиғат пайдалануды реттеу басқармасының сайтындағы «Қоғамдық тыңдаулар» бөлімінде танысуға болады.

7. Алдағы қызмет туралы қосымша ақпаратты, қоғамдық тыңдаулардың өткізілуін, сондай-ақ қызметке қатысты құжаттардың көшірмелерін сұрату үшін мына мекенжайлар бойынша хабарласа аласыз: «COPPERMAN MINING» ЖШС. Мекенжайы: Қазақстан Республикасы, Алматы қаласы, Медеу ауданы, Әл-Фараби көшесі, 38-үй. БСН: 231040040800, Тел.: 8-705-663-15-86. E-mail: albina1698@mail.ru.

8. Ескертулер мен ұсыныстар қоғамдық тыңдауларға 3 жұмыс күнінен кешіктірмей мына электронды мекенжайлар бойынша қабылданады: ndbecology.gov.kz: prirodnuyye_resursy_obl.abay@mail.ru, пошта арқылы – Қазақстан Республикасы, Абай облысы, Семей қ., Турлыханов көшесі, 30-үй.

Қоғамдық тыңдауларға қатысу үшін 2025 жылғы 23 желтоқсанда сағат 10:00-де төмендегі сілтеме арқылы өту қажет:

<https://us06web.zoom.us/j/4692304157?pwd=V2EYfEOayAbsZDetAVJrsmo3b8oDks.1&omn=87583387837>

Конференция идентификаторы: 469 230 4157

Қатысу коды: V0NuPL

Тіркеу талқылау басталғанға дейін 30 минут бұрын басталады. Қосылу мәселелері бойынша қызмет бастамашысының телефондарымен хабарласуға болады.

Егер аудармада қосымша өзгерістер немесе түсіндірулер қажет болса, хабарласыңыз!

ОБЪЯВЛЕНИЕ

ТОО «COPPERMAN MINING», в соответствии с требованиями Экологического кодекса РК, уведомляет о проведении общественных слушаний в форме открытого собрания.

1. Наименование проекта: Отчет о возможных воздействиях к «План разведочных работ с проведением горно-вскрышных работ в целях опытно-промышленной добычи меди и золота на блоках: М-44-121-(10г-5г-11), М-44-121-(10г-5г-12), М-44-121-(10г-5г-13), М-44-121-(10г-5г-18), М-44-121-(10г-5г-22), М-44-121-(10г-5г-23), М-44-121-(10г-5г-24), М-44-121-(10г-5г-25), М-44-121-(10д-5в-21), М-44-121-(10д-5в-22), М-44-121-(10д-5в-23), М-44-121-(10д-5в-24), М-44-121-(10д-5в-25) Участка в Аягөзском районе, области Абай «(Месторождение – Майқапшыған)»

2. Территория воздействия: РК, область Абай, Аягөзский район. Площадь участка работ составляет – 36,7 км².

Координаты:

- 1) 48°22'59"с.ш., 78°5'00"в.д.;
- 2) 48°23'00"с.ш., 78°8'00"в.д.;
- 3) 48°20'60"с.ш., 78°15'00"в.д.;
- 4) 48°19'60"с.ш., 78°14'60"в.д.;
- 5) 48°19'60"с.ш., 78°6'00"в.д.;
- 6) 48°21'60"с.ш., 78°4'60"в.д.

3. Общественные слушания состоятся: 23 декабря 2025 года в 10.00 часов по адресу: РК, область Абай, Аягөзский район, Малгелдинский с.о., с.Корык, "Аппарат Акима Малгелдинского сельского округа Аягөзского района области Абай" ул. Байгөтан Би 13.

4. Инициатор намечаемой деятельности: ТОО «COPPERMAN MINING» Адрес: Казахстан, г.Алматы, Медеуский р-н, ул.Аль-Фараби, дом 38. БИН: 231040040800. тел. 87056631586. e-mail: albina1698@mail.ru.

5. Разработчик проектной документации: ТОО «MININGWELL SOLUTIONS»: 010000, Республика Казахстан, г.Астана, Район "Байқоңыр", улица Ш.Иманбаева, дом № 2, тел: +7 701 531 0511, e-mail: tulegen.zhakupov@gmail.com.

6. С пакетом проектной документации можно ознакомиться на Едином экологическом портале <https://hearings.ndbecology.gov.kz/>, а также сайте ГУ «Управление природных ресурсов и регулирования природопользования области Абай», в разделе «Общественные слушания».

7. Дополнительную информацию о намечаемой деятельности, проведении общественных слушаний, а также запросить копии документов, относящихся к намечаемой деятельности можно по адресам: ТОО «COPPERMAN MINING» Адрес: Казахстан, г.Алматы, Медеуский р-н, ул.Аль-Фараби, дом 38. БИН: 231040040800. тел. 87056631586. e-mail: albina1698@mail.ru.

8. Замечания и предложения принимаются не позднее 3-х рабочих дней до проведения общественных слушаний: по электронным адресам: ndbecology.gov.kz: prirodnuyye_resursy_obl.abay@mail.ru, почтовый - Республика Казахстан, область Абай, г. Семей, ул. Турлыханова, 30.

Для участия в слушаниях 23 декабря 2025 года в 10.00 часов необходимо пройти по ссылке:

<https://us06web.zoom.us/j/4692304157?pwd=V2EYfEOayAbsZDetAVJrsmo3b8oDks.1&omn=87583387837>

Идентификатор конференции: 469 230 4157

Код доступа: V0NuPL

Регистрация начинается за 30 минут до начала обсуждения. По вопросам подключения обращаться по телефонам инициатора намечаемой деятельности.

«Аягөз жаңалықтары» газетіне газет қаттаушы ВЕРСТАЛЬЩИК-ДИЗАЙНЕР, ЗАМАНАУИ ТӘЖІРИБЕЛІ МОБИЛОГРАФ ЖУРНАЛИСТ маманы керек.

Маман газет қаттап әлеуметтік желілермен жұмыс жүргізеді. 8701 852 88 08.

«Аягөз жаңалықтары»
аудандық газеті
ЖШС

Директор –
Бас редактор
Е.Дайырбаев

Мекен-жайымыз: Аягөз қаласы,
Х.Дүйсенов, 104.

Газеттегі
авторлық пікірлер
редакциянікімен
сәйкес келмеуі
мүмкін



Телефондар:
Жауапты хатшы:
3-22-01

e-mail:
ayagoz.zhanalyktary@mail.ru

Қазақстан Республикасы Ақпарат және Қоғамдық даму министрлігі Ақпарат комитеті 2021 жылғы 4-ақпанда берген тіркеу қағазы № КЗ44УР00032023 Газеттің ауданы: 1 рет шығады А3 форматында (420х297 мм) тегістерінен 3 басып тираж

Газет «Дом Памяти» ЖШС баспаханасында басылады. 070002 Павлодар қ. Астана көшесі 143 Таралымы 1403 дана Тапсырыс № 1226